

此以妙報國土爲蓮華也。又天台當體譬諭合說樣委細釋給時 大集經我今敬禮佛蓮華云文與法華論今文引證釋云 若依大集行法因果爲蓮華。菩薩處上卽是因華。禮佛蓮華卽是果華。若依法華論以依報國土爲蓮華。復由菩薩修蓮華行報得蓮華國土。當知依正因果悉是蓮華之法。何須譬顯。爲鈍人不解法性蓮華故學世華爲譬。亦應何妨文。又云若非蓮華何由遍諭上來諸法。法譬雙辨故稱妙法蓮華也文。次龍樹菩薩大論云蓮華者法譬竝舉也文。傳教大師天親龍樹釋二論文云論文但名妙法蓮華經有二種義。非謂唯蓮華有二種義。凡法喻者相似爲好。若不相似何以解他。是故釋論法喻竝舉。一心妙法蓮華者因華果臺俱時增長。此義難解。假諭易解。詮此理教名爲妙法蓮華經文。此等論文釋義分明也。在文可見。不包藏故合說義極成。凡法華經意者譬諭卽法體 法體卽譬諭也。故傳教大師釋云今經雖多譬諭大諭是七諭也。此七諭卽法體 法體卽譬諭也。故譬諭外無法體法體外無譬諭。但法體者法性理體也。譬諭者卽妙法之事相體也。事相卽理體也。理體卽事相也。故云法譬一體也。是以論文山家釋皆釋蓮華法譬竝舉等云云。釋意分明故重不云。問如來在世誰證得當體蓮華耶。答四味三教時三乘五乘七方便。

①也十(若聲聞得入於此卽妙報國土爲蓮華也) ②法十(譬) ③詮=論 ④義=論義理 ⑤包=芳(カクル) ⑥⑦相=體